



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

ZL.Anr.138/2025

PANELI ZGJEDHOR PËR ANKESA DHE PARASHTRESA (PZAP), i përbërë nga gjyqtarët: Arsim Hamzaj - kryesues, Skënder Çoçaj dhe Kymete Kicaj - anëtarë, duke vendosur përkitazi me ankesën e [REDAKTUAR] me vendbanim në Gjermani, të parashtruar kundër Komisionit Qendror të Zgjedhjeve, me seli në Prishtinë, për shkak të mos përfshirjes në Listën Përfundimtare të Votuesve Jashtë Vendlit për Zgjedhjet Lokale 2025, që do të mbahen me datë 12 Tetor 2025, në seancën e panelit të mbajtur më datë 10.10.2025, merr këtë:

V E N D I M

REFUZOHET E PABAZUAR ankesa e parashtruar nga [REDAKTUAR] ZL.Anr.138/2025, e datës 09.10.2025, me të cilën ka kërkuar përfshirjen në Listën Përfundimtare të Votuesve Jashtë Vendlit për Zgjedhjet Lokale 2025, që do të mbahen me datë 12 Tetor 2025.

A r s y e t i m

Më datë 09.10.2025, PZAP-i, përmes emailit zyrtar ka pranuar ankesë ZL.Anr.138/2025 nga [REDAKTUAR] kundër Komisionit Qendror të Zgjedhjeve (KQZ), në të cilën pretendon fillimisht i është pranuar aplikimi si votues jashtë vendlit, por që më vonë nuk e ka pranuar materialin votues. Tutje thekson se pas bisedës me KQZ-në, e njëjta është informuar se i është anuluar e drejta e votimit, me arsye se emaili nuk ka qenë në emrin e saj, dhe se është thirrur disa herë për konfirmim por që nuk është përgjigjur. Tutje, në ankesë theksohet se parashtruesja nuk ka pranuar asnjë thirrje apo njoftim nga KQZ, duke kërkuar kështu të jetë e regjistruar në listën e votuesve jashtë vendlit për Zgjedhjet Lokale, që do të mbahen më datë 12

Tetor 2025. Si provë ka paraqitur fotografinë e letërnjoftimi, si dhe dëftesën për regjistrim si votues jashtë vendit.

Në përgjigje në kërkesë KQZ-ja, ka theksuar se afati i ankesave ka përfunduar më datën 5 Shtator 2025, ndërsa KQZ ka certifikuar listën e votuesve brenda dhe jashtë Kosovës më datën 6 Shtator 2025. Tutje, në përgjigje theksohet se [REDAKTUAR] ka aplikuar përmes platformës elektronike dhe duke u bazuar në Procedurën Standarde të Veprimit për Regjistrimin e Votuesve Jashtë Kosovës të miratuar nga KQZ, pika 2.7 është bërë verifikimi i votuesve të regjistruar, andaj është anuluar verifikimi për [REDAKTUAR], për shkak se e njëjta është thirrur në tri ditë të ndryshme, dhe nuk është lajmëruar.

Paneli Zgjedhor për Ankesa dhe Parashtrësia- PZAP-i, pas shqyrtimit të shkresave të lëndës gjeti se ankesa është e pa bazuar.

Paneli e vlerësoj lejueshmërinë e ankesës dhe ka ardhur në përfundim se e njëjta i plotëson kushtet e përcaktuara me nenin 98 paragrafi 3 të Ligjit NR.08/L-228, për Zgjedhjet e Përgjithshme në Republikën e Kosovës, si dhe në nenin 4 të Rregullores për Procedurat e Parashtrimit dhe Vendosjes së Ankesave.

Paneli, pasi shqyrtoi lëndën, provat e bashkangjitura dhe përgjigjes në ankesë vëren se ankesa është e pabazuar, për faktin se parashtruesja e ankesës gjatë aplikimit të tij për regjistrim për votim jashtë Kosovës nuk i ka plotësuar kriteret e kërkuara sipas paragrafit 4, pika 1 të nenit 3 të Rregullores Zgjedhore Nr. 04/2025, Regjistrimi dhe Votimi Jashtë Kosovës të KQZ-së, në të cilin është përcaktuar se *“4. Kërkesa për regjistrim përmes platformës elektronike të KQZ bëhet si në vijim: 4.1. Plotëson të dhënat e adresës së banimit jashtë Kosovës: shtetin, kodin postar, qytetin, emrin e rrugës, numrin e banesës apo shtëpisë; 4.2. Plotëson email adresën personale dhe numrin e telefonit mobil personal; 4.3. fotografon njërin prej dokumenteve identifikuese të lëshuara nga Republika e Kosovës, si letërnjoftim, pasaportë ose patentë shofer, duke mos përjashtuar dokumentet me afat të skaduar; 4.4. fotografon dokumentin që dëshmon adresën e votuesit jashtë Kosovës, sikurse në nën paragrafin 4.1...”*

Nga shqyrtimi i shkresave të lëndës dhe përgjigjes së Komisionit Qendror të Zgjedhjeve (KQZ), Paneli vlerëson se parashtruesja e ankesës, gjatë fazës së verifikimit, parashtruesja e ankesës nuk e ka konfirmuar me email.

Në këto rrethana, Paneli vlerësoi se parashtruesja e ankesës nuk ka plotësuar njërin nga kriteret thelbësore të përcaktuara në kuadër të procesit të regjistrimit për votim jashtë vendit, konkretisht

kriterin që lidhet me dëshminë që email adresa të jetë në emrin personal të votuesit, kriter ky i përcaktuar shprehimisht me nënparagrafin 4, pika 1 të nenit 3 të Rregullores Zgjedhore Nr.04/2025 Regjistrimi dhe Votimi Jashtë Kosovës, të nxjerrë nga KQZ.

Prandaj, nga arsyet e theksuara më lart si dhe duke u bazuar në dispozitat e nenit 117 paragrafi 3, 118 paragrafi 1, neni 119 paragrafi 3 të Ligjit Nr.08/L-228 për Zgjedhjet e Përgjithshme në Republikën e Kosovës, lidhur me neni 3 paragrafi 4 pika 4.1, e lidhur me paragrafi 5 pika 5.3 e Rregullores të sipërcituar, dhe në bazë të Rregullores Nr.01/2025 për Procedurat e Parashtrimit dhe Vendosjes së Ankesave, Paneli vendosi si në dispozitiv të këtij vendimi.

Paneli Zgjedhor për Ankesa dhe Parashtresa

ZL.Anr.138/2025, datë 10.10.2025

Kryesues i Panelit

Arsim Hamzaj



Këshillë Juridike; kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimi të këtij vendimi.